



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

2 e Liechtmeß vnnd reinigung Marie der Gottes gebererin.

urn:nbn:de:hbz:466:1-41449

Februarius

hefft / vnd auff die erden geschlaiffe / endlich enthaupet ist worden / von wegen seines beständigen Glaubens.

Item der H. Bürgern zu Corintho vnd Märterer / Victorini / Victoris / Nicephori / Claudij / Theodori / Serapionis vnd Papie. Welche alle darumb / daß sie für Christen angeklaget wurden / durch mancherley pein vnd marter vmb die Himmelsche Kron ritteerlich gestritten haben.

Item zu Insulis oder Riessel / des H. Beichtigers Euberti / desselben Leib bey S. Petro rühret.

c Quarto nonas Februarij.

Der II. tag im Hornung.

- I. **H**eut ist ein herrlich Fest / Jesu Christi des Newgebornen Kindlins / vñ an diesem vierzigsten tag nach seiner H. Gebure im Tempel zu Jerusalem geopffert / vnd durch Simeonen vñnd Annam / als glaubwürdige Zeugen / den Juden geoffenbaret worden. Ist auch ein Fest Marie vnser lieben Frawen / welche als ein Kindbeherin / nach dem Befehl Moyses / ihr Opffer vberbracht / vnd jedoch ein reine vnbesleckte Juncckfraw gewesen vñnd bliben / auch billich von Simeone im Tempel gelobt vnd gebenedeyet ist worden. Vnd ist das Fest der Liechtmess (wie mans nennet) welliches die allgemaine Christliche Kirch mit Wachsenen Liechtern sein vñnd löblich begehret / zu bestettigung der Euangelischen warheit.
- II.
- III.

Item zu Cesarea des heyligen Hauptmanns Cornelij / welchen der heylig Apostel Petrus getauffet hat: ward darnach in gemeldter Statt zum Bischoff erhöhet / vnd

vnd ist daselbst inn Christo entschlaffen: dem auch der Engel Gottes diß zeugnuß gab: Dein Gebett vnd Almüßen sind hinauff kommen ins gedächtnuß für Gott. Acto. 10.

Item zu Rom das leyden des heyligen Marterers Aprontiani / wellicher vnder der verfolgung des Kayfers Maximiani / ein Haydnischer Kerckermeister / vom Statuogt Laodicio geschickt / als er Sisinnium den Diacon auß der Gefengnuß führen wolte / sahe er ein Licht vom Himmel / vnd höret ein stimm sprechende: Kommt her jr gebenedeyten meines Vatters / besizet das Reich euch züberait / etc. Alsbald ward er bekört / ließ sich taufen / vnd von dem Pappst Marcello mit dem H. Chusma confirmieren / kam mit Sisinnio zum Statuogt / straffet in omb sein vnchristliche handlung / ward darumb enthauptet. Anno Dñi 300.

Item auch zu Rom der H. Fortunati / Felicis / Firmi vnd Eandidi.

Item zu Aurelianis des H. Bischoffs Ploscoli.

Item auch zu Aurelianis die begräbnuß der H. Gott geweychten Junckfrawen Sigrarie.

Item des heyligen Laurentij Erzbischoffs zu Cantelberg / welcher nach S. Augustino dem ersten Bischoff / der genannten Statt vorgestanden / wie von ihm Beda schreibt. Lib. 2. hist. Anglic. cap. 4. 6.

Item (als etliche wollen) der sibem heyligen Frauen vnd Marterin / so vonn S. Blasio inn Christlichem Glauben vnderwisen / vonn denen am nechstuolgenden tag weyter. Anno dñi 288.

Item zu Würzburg des H. Bischoffs vnd Beichtigers Durckhardt / der bey den Francken das Christliche wesen trewlich gepflanzet vnd gefördert hat.

E iiii

Item

Februarius

Item zu Rom der H. Märterer Fortunati / Simi /
Candidi vnd Aurelij. Auch daselbst noch ander dreyßig
tausent H. Märterer / welche alle inn der Diocletiani-
schen verfolgung / ihre Leiber gehasset vnd verlassen ha-
ben / damit sie mit Christo / recht im Himmel leben möch-
ten.

f Tertio nonas Februarij.

Der III. tag im Hornung.

Sebaste inn Cappadocia ist heut der Tag des
leydens des heyligen Bischoffs vnd Märterers
Blasij / in den Wunderzeichen fürtrefflich / der inn
der Diocletianischen verfolgung vnder dem Pfleger
Agricolao / in der Statt Sebaste vbel geschlagen / an ein
Holz auffgehendet / da sein Fleisch mit eyßin Striglen
zerissen / vnd endlich mit zweyen Knaben enthaupt ist
worden. Als aber sieben Frauen die Blütsropffen / so
von seinem heyligen Leib flossen / in Tüchlin auffasseten /
seind sie gefangen / vnd auch vmb Christi willen enthaupt
worden. Etlich sehen disen S. Blasium am 15. tag dis
Monats / vnder dem namen Blaus.

Item in Africa der heyligen Märterer Celerini des
Diacons / Celerine seiner Großmütter / Laurentini vnd
Ignatii seiner Schwäger / welche alle wider die Welt /
Fleisch / Teuffel vnd seine Diener Ritterlich gestritten /
auch grewliche Marter mit vilen anderen oberstanden
haben / inn der Decianischen verfolgung / damit sie ihren
Glauben beständiglich befeüeten / Cyprianus thut von
disen in einer Epistel herrliche meldung.

Lib. 4. cap. 5.

Item